



Mas-chalch

Fögl d'infuormaziun official dal cumün da Scuol

Cumischiun sindicatoria

La cumischiun sindicatoria es in tschercha d'ün protocollist / d'üna protocollista

La cumischiun sindicatoria (tudais-ch: Geschäftsprüfungskommission GPK) es il gremi chi survaglia la gestiun e las finanzas dal cumün. Ella fa ca. 10 sezzüdas l'on, quai d'ürant il di in chasa cumünala a Scuol. L'urari vain adüna cumbinà cun participants.

La lavur vain indemnisada tenor l'ordinaziun cumünala davart la remuneraziun da las autoritats e cumischiuns.

Adrian Barbüda, il president da la cumischiun sindicatoria, piglia gugent incunter annunzchas. El dà eir ulteriuras infuormaziuns (telefon 081 862 28 91, e-mail a.barbueda@lauberbarbueda-treuhand.ch). Adressa: sar Adrian Barbüda c/o Lauber Barbüda Treuhand AG, Via da Rächögn 417, 7550 Scuol.

Infuormaziuns da la suprastanza cumünala

Proget Clozza, protecziun cunter aua gronda

Las strasoras dals 23 lügl 2015 han chaschunà ün'auazun pro la Clozza. La punt Davo Clozza sur il cuntegn abità s'ha bloccada. Cul stagnar sun gnüdas donnagias barrieras, traversinas e traversadas da lingias. Eir plüs üerts vaschins han pati. Suot la punt giosom Clozza Porta es ruot oura il flüm dal let ed ha donnagià duos chasas. Implü es gnüda inuondada üna gronda surfatscha da prada.

In seguit ha incumbenzà la suprastanza al büro Eichenberger Revital SA dad elavurar ün stüdi conceptual cun proposas da masüras per la protecziun cunter

l'aua gronda pro la Clozza. Cullas masüras propuonüdas as poja proteger cunter boudas il territori abitabel da Scuol sco eir las vias cumünalas e privatas.

La suprastanza appovescha il proget da protecziun cunter aua gronda da la Clozza. Il credit da 3.4 milliuns francs ha da gnir preschantà a la radunanza per orientar e per til deliberar in vista a la votaziun a l'urna.

Uina SA, retrar material da l'En in Chaschlans, Scuol

La Uina SA fa la dumonda per retrar d'ürant quist on var 10'000 m³ material our da l'En in Chaschlans al nord da

Pradella, Scuol. Il material vain dovrà per prodüer gera e beton illa chava da gera a Sur En. Scha quai as verifiche-scha as vulessa far quai permanenta-maing.

Per quai esa lura da far ün müdamaint parzial da la planisaziun locala.

La suprastanza conceda il permiss da fabrica per ün on da prova culla resalva cha l'uffizi pel svilup dal territori dal Grischun detta il permiss per fabricats dadour las zonas da fabrica.

Surdattas da lavur

Reservuar Liuns, prestüdi
Caprez Ingenieure AG, Scuol:
lavurs d'indschegner

Provedimaint d'aua Ardez
Hach Lange GmbH, Rheineck:
concept da manisaziun

Punt Clüsa Clemgia, Scuol
Canclini + Partner S.c.r.l., Scuol:
lavurs d'indschegner

Punt da Gurlaina, Scuol
Canclini + Partner S.c.r.l., Scuol:
lavurs d'indschegner

Punt da lain Sur En, Sent
Canclini + Partner S.c.r.l., Scuol:
lavurs d'indschegner

Uffizi da fabrica

Quintadurs d'aua cun func

Ils novs quintadurs d'aua – installats fingià in diversas chasas in tuot las fracziuns – cum-piglian ün modul radiofonic. Quist fat pudess chaschunar temma pervi da la radiazion. I nu dà però ingüns motifs per as far pissers. Ils emitturs as rechattan per regla giò'n schler, els han dimena distanza avuonda invers las localitats d'abitar e da durmir. Plünavant suna fich debels. Lur prestaziun correspuonda ca. a quella d'ün func per survagliar poppins o d'ün telecumond per drivir üna porta da garascha. Talas prestaziuns sun 200 jadas main fermas co quella d'ün

smartphone üsità. Il temp d'emissiun es adüna fich cuort, el importa d'ürant ün di in tuot in tuot damain d'ün minut.

Ils indrizs per funcar dals quintadurs d'aua vegnan controllats regularmaing da l'uffizi federal da comunicaziun (BAKOM).

Ün fögl cun infuormaziuns detagliadas as chatta sülla pagina d'internet www.scuol.net suot «Actualitats». El po eir gnir retrat pro l'uffizi da fabrica a Scuol (Bagnera 171, telefon 081 861 27 20).



La Clozza in lügl 2015

Fotografia: Uffizi da fabrica

Arrandschamaints

Chalandamarz 2018

Ils programs detagliats per tuot las fracziuns as chatta sülla pagina d'internet da la scuola: <http://www.scuola-scuol.ch/2018/02/07/chalandamarz-2>

Scuol: «Allegria ed Umur» Concert dal Rudè da chant Engiadina

Dumengia ils 18 favrer, 17:00, sala cumünala. Per seis 40avel cumplion spordscha il Rudè da chant ün program da chanzuns na tant seriusas. Direcziun: Gianna Vital-Janett. Instrumentalists: Curdin Janett, acordeon e Domenic Janett, clarinetta. Entrada: 25 francs, entrada libra per uffants. Davo il concert vain sport ün süerv per far viva sül giubileum.

Sent/Sur En: Bärengeschichten e Patrouille des Glaciers

Dumengia ils 18 favrer, 17:00: Jon Famos da Vnà fa reviver seis inscunter cul uors in Engiadina Bassa (in lingua tudais-cha).

Mario Riatsch quinta da la Patrouille des Glaciers. El ha tut part 7 jadas a la cuorsa cun skis da tura la plü düra dal muond. Davo l'arrandschamaint daja ün aperitiv.

Entrada libra, collecta voluntaria.

Scuol: Discuors al chamin cun Ludwig Hatecke

Venderdi ils 23 favrer, 17:00, Hotel Belvédère: Il moderatur Andri Franziscus discuorra cul bacher da Scuol chi prodüa delicatezzas cun chorn d'ota qualità. L'on passà ha drivi Ludwig Hatecke üna butia cun bistro a Turich.

Scuol/Motta Naluns: OpenAir Event cul Cosmic Percussion Ensemble

Sonda ils 24 favrer, 13:00 fin 16:00, Chamanna Naluns.

Il Cosmic Percussion Ensemble (Janic Sarott / Tilmann Bogler / Thomas Büchel / Lukas Rechsteiner / Ryuhei Sunaga / Fabian Ziegler) preschainta il muond multifari da la percussiun (Schlagzeug). Entrada libra.

Scuol/Nairs: «ännet» – Inscunter litterar cun Kathy Zarnegin e Romana Ganzoni

Sonda ils 24 favrer, 20:00, Center d'art contemporana Nairs. «ännet» es ün viadi tras las regiuns Nairs linguisticas da la Svizra. Las dumondas centralas: che es patria e che connex daja tanter patria e lingua? Entrada: 20 francs.

La bar da Nairs es averta avant e davuol l'arrandschamaint.

www.heimat-sprache.ch

Sent: Trio Anamcara e Yue Lin

Dumengia ils 25 favrer, 17:00, baselgia. Flurina Sarott (gĩa), Ionna Seira (cello), Florian Gabele (clavazin) e Yue Lin (flöta traversa) sunan ouvras da Frank Martin e Wolfgang Amadeus Mozart. www.sent-online.ch/concerts

Sent/Sur En: Göri Klainguti prelegia

Dumengia ils 25 favrer, 17:00, Palazi da Parablas. Prelecziun in lingua rumantscha e tudais-cha. Davo l'arrandschamaint daja ün aperitiv.

Entrada libra, collecta voluntaria.

Scuol: Sairada rumantscha

Mardi ils 27 favrer, 20:00, Café Cantieni: Sairada rumantscha cul tema «Chalandamarz».

Organisatura: Lia Rumantscha.

Scuol: Discuors al chamin cun Andri Poo

Venderdi ils 2 marz, 17:00, Hotel Belvédère: Il moderatur Andri Franziscus discuorra cul nouv directer da las Pen-dicularas Scuol.

Andri Poo da Sent, indschegner da fabrica e guida, ha üna gronda paschiun pel sport da muntogna. Entrada libra.

Scuol: Di d'urazchun mundial ecumenic

Dumengia, ils 4 marz, 17:00, baselgia refuormada.

Duonnas da Surinam (America dal Süd) han s-chaffi la liturgia cul titel «La creaziun da Dieu es grondiusa».

La grupp da duonnas d'Engiadina Bassa (commembras da differentas baselgias) invida cordialmaing a celebrar il cult divin ecumenic in lingua rumantscha. Infuormaziuns e dumondas per transports:

Ciglia Florineth (081 864 10 07)
Deborah Furter (081 860 31 54)
Barbla Buchli (081 864 02 78).

Sent: Teater in chasa da scuola

Venderdi ils 9 marz, 20:15
Sonda ils 10 marz, 20:15
Dumengia ils 11 marz, 16:00
La grupp da teater Sent preschainta "Üna famglia tuot normala", ün toc umoristic criminal in 4 acts scrit da Nesa Valentin. Entrada: creschüts 15 francs, uffants 10 francs.
Reservaziuns lündeschdi fin venderdi tanter las 16:00 e las 20:00, telefon 081 864 19 28

Il Mas-chalch dal cumün da Scuol cumpara üna jada al mais. Ediziuns veglias as poja leger sülla pagina d'internet dal cumün www.scuol.net.

Prosma ediziun: **15 marz 2018**

Organisatuors d'arrandschamaints pon inoltrar publicaziuns fin il plü tard **gövgia ils 8 marz** pro lingua@scuol.net

Reglas

1. No publicchain be arrandschamaints chi'd aintran per e-mail.
2. L'arrandschamaint sto avoir üna tscherta importanza per la generalità.
3. La redacziun decida s'vess davart la publicaziun e's resalva eir il dret da scurz-nir ils texts inoltrats.

Ils cuosts da la publicaziun surpiglia il cumün da Scuol.